

Til

Sogn og Fjordane Fylkeskommune

v/fylkesrådmannen

Årsrekneskap 2018 og meirforbruk for Fagskulen. Søknad om inndekking.

Fagskulen i Sogn og Fjordane har dei siste åra hatt ei svært god utvikling, og avdelinga i Førde er no godt etablert i nye lokale. Studenttalet har vore aukande, og ein har etablert eit godt samarbeid med næringsliv og høgskulen.

Flyttinga av avdelinga i Førde har vore svært positiv og medfører også ein reduksjon i driftskostnader for skulen på sikt. Samstundes påførte flyttinga skulen samla ekstrakostnader i 2018 på om lag 2,8 mill, knytt til ombygging Concord, inventar/utstyr Concord/Hellenes og ei periode med dobbel husleige grunna forseinka innflytting. Dette har vore medverkande til eit rekneskapsmessig meirforbruk i 2018 på kr 2.483.456,-.

Etter at styret i januar i år vart gjort kjend med meirforbruket, har det vore tett oppfølging på økonomikontroll, og ein har også nytta ekstern kompetanse for å kvalitetssikre rekneskap for 2018, og for å gjennomgå driftsnivå for 2019. I denne vurderinga bad styret om ei synleggjering av den økonomiske situasjonen ved å ikkje redusere dagens studietilbod. Styret såg det som svært uheldig at ein med aukande studenttal og i inngangen til nytt fylke skulle redusere tilbodet og ynskte ei vurdering av den økonomiske stoda utan slik reduksjon.

Styret har drøfta saka i fleire møte, og hadde sist ein grundig gjennomgang av dette den 26.april der også innleidt rådgjevar var til stades.

Denne gjennomgangen kan kort oppsummerast slik:

- Akkumulert meirforbruk pr 31.12.18 kr 2.483.456,-
Dette er samansett av:
 Meirforbruk frå 2017 (hovudsakleg drift) kr 709.510,-
 Meirforbruk 2018 (hovudsakleg investering) kr 1.773.947,-

(Viser til vedlagt spesifikasjon)

- Fagskulen si drift pr i dag påfører ikkje skulen ytterlegare meirforbruk for inneverande år.
- Budsjett og prognose for 2019 er stram, men styret vurderer det som realistisk.
- Det er ikkje rom for utviding av tilbodet utan ekstern finansiering.

Styret gjorde vidare slikt vedtak i saka:

1. Styret registrerer at Fagskulen har eit akkumulert meirforbruk på kr 2.483.456,-

Dette skuldast flytting og ombygging av avdelinga i Førde, og ein søker difor fylkeskommunen om inndeckning av desse kostnadene.

2. Styret vedtek budsjett for 2019 med totale inntekter på kr 25.726.000 og totale kostnader på kr 25.718.000. Styret meiner budsjett for 2019 er basert på realistiske føresetnader.
3. Fagskulen er inne i ei positiv utvikling med gode søkerjartal, og ein ynskjer ikkje å redusere tilbodet.
4. Styret ber administrasjonen om å legge fram skriftlege rutinar for oppfølging av budsjett og prognosar til neste møte, med tydelege fullmakter.
5. Styret gir administrasjonen fullmakt til å nytte ekstern kompetanse for å sikre kvaliteten på prognosearbeidet i 2019.

Styret vil med bakgrunn i dette be om at fylkeskommunen i samband med handsaming av tertialrapport 1 vil vurdere ei inndeckning av meirforbruket for 2018, slik at Fagskulen kan vidareføre den positive utviklinga og det studietilbodet ein har i dag.

Førde 03.05.19

For styret i Fagskulen Sogn og Fjordane


Gunn Åmdal Mongstad

styreleiar

Rekneskap 2018 Fagskulen

Overføring frå fylke	
Overføring frå stat	
Inntektsramme frå fylkeskommune og stat	

Rekneskap	
9 214 687	
14 970 545	
24 185 232	
Funksjon	
55 401	Styret for fagskulen
55 402	Administrasjon
55 404	Lokaler og fellesutgifter Førde
55 406	Undervisning Førde
55 410	Lånefinansiert utstyr fagskulen
55 414	Lokaler og fellesutgifter Måløy
55 416	Undervisning Måløy
59 031	Oppdragsundervisning
88 002	Resultatoverføring
Totale kostnader	26 668 689
	-2 483 457
Herav:	
Meirforbruk 2017 akk.	
Meirforbruk 2018	
Akk. Meirforbruk	
Drift	Investering
-593 268	-116 242
-1 773 947	-1 719 277
-2 483 457	-1 835 519

